


---



**8. Programa de atención a  
mulleres vítimas da violencia  
de xénero**



---

A Lei galega 11/2007, do 27 de xullo, para a prevención e o tratamento integral da violencia de xénero ten por obxecto a adopción de medidas integrais para a sensibilización, a prevención e o tratamento da violencia de xénero, así como a protección e o apoio ás mulleres que a sofren. Entendendo por **violencia de xénero** “calquera acto violento ou agresión, baseados nunha situación de desigualdade no marco dun sistema de relacións de dominación dos homes sobre as mulleres que teña ou poida ter como consecuencia un dano físico, sexual ou psicolóxico, incluídas as ameazas de tales actos e a coacción ou privación arbitraria da liberdade, tanto se ocorren no ámbito público coma na vida familiar ou privada”.

**Que dereitos teñen as mulleres que sofren violencia de xénero?**

Dereito a información	Información e asesoramento individualizado que inclúa información sobre medidas de protección e seguridade.
Dereito á asistencia social	<p>Información.</p> <p>Atención psicolóxica.</p> <p>Apoio social.</p> <p>Apoio educativo á unidade familiar.</p> <p>Formación preventiva en igualdade.</p> <p>Apoio á formación e inserción laboral.</p> <p>Apoio económico.</p> <p>Apoio á adquisición ou alugueiro de vivenda.</p>
Dereitos laborais e de seguridade social	<p>Redución xornada laboral.</p> <p>Reordenamento do tempo traballo.</p> <p>Mobilidade xeográfica.</p> <p>Cambio de centro de traballo.</p> <p>Suspensión da relación laboral con reserva de posto.</p> <p>Extinción definitiva da relación laboral coa consideración de situación de desemprego involuntario.</p>

Dereito á asistencia xurídica gratuíta	Sempre que non teña ingresos superiores ao dobre do salario mínimo interprofesional.
Dereitos económicos	Axudas sociais: Axudas periódicas Axudas económicas e/ou indemnizacións de pagamento único Renda de integración social de Galicia (RISGA) Renda activa de inserción (RAI)

*Cales son os recursos dispoñibles para as mulleres que sofren violencia de xénero?*

Programas e medidas específicas	Teléfono da muller. Punto de Coordinación de Ordes de Protección. Programa de atención psicolóxica. Programa “Abramos o Círculo”.
Recursos residenciais	Rede de casas de acollida para mulleres maltratadas. Vivendas de seguridade para vítimas de explotación sexual e trata.
Prestacións económicas	Axudas periódicas de apoio a mulleres que sofren violencia de xénero. Axudas económicas de pagamento único para mulleres vítimas de violencia de xénero. Indemnizacións, de pagamento único, a favor das mulleres que sofren violencia de xénero e das persoas dependentes económica ou asistencialmente dunha muller que sufra violencia de xénero. Renda de Integración Social de Galicia (RISGA). Renda Activa de Inserción (RAI).

### ***Teléfono da muller***

O Teléfono da Muller é un servizo gratuíto e anónimo que funciona as 24 horas do día, desde calquera teléfono fixo ou móbil, e con cobertura para toda a Comunidade Autónoma. Responde nel un equipo multidisciplinar coordinado cos diferentes profesionais de toda Galicia.

**Tel: 900.400.273**

**Tel: 900.152.152 para mulleres xordas**

<http://mulleresengalicia.es>

### ***Programa de atención psicolóxica***

Destinado a proporcionar axuda ás vítimas de violencia de xénero para afrontar a situación que sufriron e a reforzar a súa autoestima, ademais de ser un apoio na recuperación ou adquisición de habilidades e capacidades que lles permitan lograr a autonomía e a integración na vida social e laboral. Tamén as/os menores e persoas delas dependentes poden utilizar este recurso.

Colexio Oficial de Psicología de Galicia: 629.777.595

<http://www.copgalicia.es>

Secretaría Xeral da Igualdade: 981.545.351

<http://mulleresengalicia.es>

### ***Programa Abramos o Círculo***

Programa de atención psicolóxica especializada e de apoio, financiado pola Secretaría Xeral da Igualdade da Xunta de Galicia, e dirixido a homes que adoptan actitudes inadecuadas e violentas nas relacións coa súa parella, coa súa familia, co seu círculo social e desexan adquirir novos modos de comportamentos exentos de agresividade.

Colexio Oficial de Psicología de Galicia.: 630.170.140 (10-13 horas e de 16-19 horas)

<http://www.copgalicia.es>

Secretaría Xeral da Igualdade: 981.545.351

<http://mulleresengalicia.es>

#### ***Servizo de teleasistencia móbil.***

Basease na utilización de telefonía móbil e telelocalización para que, no caso en que as mulleres que sofren violencia de xénero necesiten atención inmediata, poidan estar permanentemente localizables e contén cun servizo de atención ininterrompida.

Solicítase directamente na policía autonómica ou a través dos servizos sociais municipais.

#### ***Axudas periódicas de apoio a mulleres que sofren violencia de xénero.***

A finalidade destas axudas é proporcionarlles apoio económico ás mulleres que sofren violencia de xénero para tentar garantirlles unhas condicións suficientes de independencia económica respecto do agresor, condicións que lles posibiliten dar o primeiro paso ou consolidar a ruptura dunha situación na que corren perigo.

Tel.: 900.400.273

<http://mulleresengalicia.es>

#### ***Axudas económicas de pagamento único***

Axuda económica de pagamento único para mulleres vítimas de violencia de xénero, que residindo na Comunidade Autónoma de Galicia, acrediten insuficiencia de recursos e unhas especiais dificultades para obter un emprego.

Tel.: 900.400.273

<http://mulleresengalicia.es>

### ***Indemnizacións de pagamento único***

Son axudas de indemnizacións, de pagamento único, a favor das mulleres que sofren violencia de xénero e das persoas dependentes económica ou asistencialmente dunha muller que sufra violencia de xénero que teñan dereito á percepción da indemnización, exista constatación xudicial do incumprimento do deber de satisfacela e, como consecuencia, se produza unha situación de precariedade económica.

Tel.: 900.400.273

<http://mulleresengalicia.es>

### ***Renda de Integración Social de Galicia (RISGA)***

É unha prestación social de carácter periódico destinada a garantir recursos económicos de subsistencia a quen careza deles, mediante un proxecto personalizado de inserción que, partindo das necesidades e características de cada caso, procure a autonomía persoal, familiar e económica do beneficiario, e acade a súa integración social e/ou laboral.

<http://benestar.xunta.es/web/portal/renda-integracion-social>

### ***Renda Activa de Inserción (RAI)***

É un programa estatal que vincula a percepción dunha axuda económica coa realización de accións en materia de políticas activas de emprego, como o asesoramento personalizado para a busca de traballo, a incorporación preferente a cursos de formación profesional e/ou talleres de emprego, etc, co fin de incrementar as oportunidades de retorno ao mercado de traballo.

Destinada, entre outros colectivos, ás mulleres vítimas de violencia de xénero, inscritas como demandantes de emprego e carezan de rendas, de calquera natureza, superiores en

cómputo mensual ao 75% do SMI, excluída a parte proporcional das dúas pagas extraordinarias.

Acceso a través dos Servizos Públicos de Emprego.

Tel.: 901.119.999

<http://www.redtrabaja.es>

### **Rede de acollida para vítimas de violencia de xénero**

Ante a situación de indefensión en que se atopan moitas mulleres en situación de violencia de xénero, nalgúns casos con grave perigo para elas e os seus fillos e as súas fillas, a Xunta de Galicia ten articulada unha rede de acollida, en colaboración cos concellos e outras institucións, formada por:

- **Casas de acollida:** para aquelas mulleres galegas que o precisen, teñan un lugar de referencia onde acudir e dispoñan dun tempo e un espazo no que poidan reorientar a súa situación persoal, facilitándolles as ferramentas elementais, tanto económicas coma psicosociais.

- **Pisos tutelados:** para aquelas mulleres que despois de residir temporalmente nunha casa de acollida, necesiten, aínda sen correr riscos graves, un tempo máis prolongado para a súa inserción laboral e independencia económica. Permítelles contar con aloxamento compartido con outras mulleres en situacións similares durante o tempo necesario para recuperar a súa vivenda e/ou encouzar o seu proxecto de vida evitando precipitacións que impiden tomar as decisións máis axeitadas en cada caso.

- **Centro de emerxencia de Vigo:** centro de acollemento, protección e seguridade para as mulleres que se atopen en situación de perigo ou grave risco para a súa vida ou integridade física e/ou psíquica ou persoas delas dependentes. Funciona como un recurso residencial de carácter limitado que ofrece acollemento, atención e recuperación ás mulleres e ás persoas menores ao seu cargo no termo municipal de Vigo e na súa área metropolitana.

